



N 21/5804
03/10/2022

5804-21-2-202210031411



საქართველოს საავტომობილო გზების დეპარტამენტს

სსიპ გარემოს ეროვნულმა სააგენტომ განიხილა თქვენი №4372 სკრინინგის განცხადება, რომელიც ეხება მარნეულის მუნიციპალიტეტში, მდ. ალგეთზე ნაპირდაცვითი (ნაპირსამაგრი) სამუშაოების განხორციელების პროექტს.

გაცნობებთ, რომ სკრინინგის განცხადებაში წარმოდგენილი უნდა იყოს საქმიანობასთან დაკავშირებული შემდეგი საკითხები:

- პროექტის ჰიდროლოგიურ ნაწილში მოცემულია 1%-იანი უზრუნველყოფის კალაპოტის ზოგადი წარეცხვის სიღრმე, მაშინ, როცა საპროექტო ნაგებობა (ბეტონის კედელი და ქვანაყარი ბერმა) გათვლილია 3%-იან უზრუნველყოფაზე. საჭიროა პროექტში მოცემული იყოს საანგარიშო უზრუნველყოფის შესაბამისი ჰიდროლოგიური მახასიათებლები;
- ჰიდროლოგიურ ნაწილში ცხრილ №13-ში მოცემული საანგარიშო დატბორვის დონეები ცდება საკვლევი უბნის საზღვრებს, რადგან საპროექტო განივ კვეთებზე დატანილი შესაბამისი დონეები განსხვავდება ცხრილში მოცემული სიდიდეებისგან;
- შესაბამის განმარტებას საჭიროებს პროექტში გამოყენებული წყლის ხარჯის სხვადასხვა საანგარიშო უზრუნველყოფა (2% და 3%);
- შესაბამის განმარტებას საჭიროებს ქვანაყარი ბერმის 98 მ სიგრძის მონაკვეთზე ნაგებობის თხემის ამალევა დატბორვის დონიდან, რომელიც იცვლება 0,145 მეტრიდან 1,1 მეტრამდე. დატბორვაზე მარაგის მინიმალური მნიშვნელობა შეადგენს 0,5 მეტრს. გარდა ამისა, ქვანაყარი ბერმა მდებარეობს მდინარის მრუდხაზოვან უბანზე, ამდენად, აქ ჰიდროლოგიური მახასიათებლები განსხვავებული უნდა იყოს კალაპოტის სწორხაზოვანი უბნისაგან;
- ნორმებთან შესაბამისობაში მოყვანას საჭიროებს ქვანაყარი ბერმის ამგები ლოდების ფრაქციული შემადგენლობა;
- დოკუმენტში მოცემული უნდა იყოს ნაპირდაცვითი სამუშაოების განხორციელებისათვის საჭირო სამშენებლო მასალების ტრანსპორტირების საკითხი.

ზემოაღნიშნულიდან გამომდინარე, სააგენტო კანონმდებლობის შესაბამისად სკრინინგის გადაწყვეტილების გაცემის მიზნით ადმინისტრაციულ წარმოებას დაიწყებს მითითებული შენიშვნების გათვალისწინებით შესწორებული სკრინინგის განცხადების წარმოდგენის შემდეგ.

თამარ ფიცხელაური

თ. ფიცხელაური

სააგენტოს უფროსი

სსიპ გარემოს ეროვნული სააგენტო

